

**-UPRAVNI ODBOR-**

Broj: 02-7-2/22

Sarajevo, 02. 03. 2022. godine

Na osnovu člana 129. Zakona o visokom obrazovanju ("Službene novine Kantona Sarajevo", broj 33/17, 35/20, 40/20 i 39/21), a u skladu sa odredbama Zakon o budžetima u Federaciji BiH („Službene novine Federacije BiH“, broj 102/13, 9/14, 13/14, 8/15, 91/15, 102/15, 104/16 i 5/18), kao i člana 55. i 248. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, u skladu sa Mišljenjem Odbora za finansije Univerziteta u Sarajevu broj: 0105-1797/22 od 16. 02. 2022. godine, kao i prijedlogom Senata Univerziteta u Sarajevu broj: 01-2-64/22 od 23. 02. 2022. godine, Upravni odbor Univerziteta u Sarajevu je na svojoj 3. (trećoj) elektronskoj sjednici održanoj dana 02. 03. 2022. godine, *donio*

ODLUKU***o verificiranju Finansijskog plana/Budžeta Univerziteta u Sarajevu
za 2022. godinu*****I**

Upravni odbor Univerziteta u Sarajevu verificira Finansijski plan/Budžet Univerziteta u Sarajevu za 2022. godinu usvojen od strane Skupštine Kantona u okviru Budžeta Kantona Sarajevo.

III

Finansijski plan/Budžet Univerziteta u Sarajevu za 2022. godinu čine sastavni dio ove odluke.

III

Ova odluka stupa na snagu danom donošenja.

Obrazloženje

U skladu sa odredbama Zakona o budžetima u Federaciji BiH („Službene novine FBiH“, broj 102/13, 9/14, 13/14, 8/15, 91/15, 102/15, 104/16 i 5/18) pristupilo izradi Finansijskog plan/Budžeta Univerziteta u Sarajevu za 2022. godinu, koji čini sastavni dio Budžeta Kantona Sarajevo. Slijedom navedenog, Skupština Kantona Sarajevo je na sjednici održanoj dana 31. 01. 2022. godine usvojila Budžet Kantona Sarajevo. Odluku o usvajanju Budžeta Kantona Sarajevo za 2022. godinu objavljena je 3. 2. 2022. godine u "Službenim novinama Kantona Sarajevo", broj 5/22.

U odnosu naprijed navedeno, pri tome cijeneći nadležnost Upravnog odbora Univerziteta u Sarajevu propisanu *lex specialis* Zakonom o visokom obrazovanju, koja se odnosi na usvajanje

finansijskog plana, donošenjem ove odluke vrši se verifikacija odnosno daje se potvrda Finansijskog plana/Budžeta Univerziteta u Sarajevu za 2022. godinu.

Cijeneći navedeno, Upravni odbor donosi Odluku kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor UNSA
- Ministarstvu za nauku, visoko obrazovanje i mlade KS
- Organizacionim jedinicama UNSA
- ① Predsjedniku i članovima UO UNSA
- Rukovodiocu Jedinice interne revizije
- Izvršnom direktoru
- Generalnom sekretaru
- Službi za plan i analizu
- Službi za računovodstvo i finansije
- Pomoćnom operativnom centru za visoko obrazovanje
- U dokumentaciju UO UNSA
- a/a



Javnost rada

-UPRAVNI ODBOR-

Broj: 02-7-3/22

Sarajevo, 02. 03. 2022. godine

Na osnovu člana 17. Zakona o javnim nabavkama („Službeni glasnik BiH“, broj 39/14), člana 129. Zakona o visokom obrazovanju („Službene novine Kantona Sarajevo“, broj 33/17, 35/20, 40/20 i 39/21), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, na prijedlog Senata Univerziteta u Sarajevu od 23. 02. 2022. godine, a u skladu sa usvojenim Budžetom Univerziteta u Sarajevu za 2022. godinu, Upravni odbor Univerziteta u Sarajevu, na 3. (trećoj) elektronskoj sjednici, održanoj 02. 03. 2022. godine, *donio je*

ODLUKU**o usvajanju Plana javnih nabavki integrisanog Univerziteta u Sarajevu za 2022. godinu****I****(Predmet odluke)**

Usvaja se Plan javnih nabavki integrisanog Univerziteta u Sarajevu za 2022. godinu u ukupnom iznosu od 17.878.786,55 KM bez PDV-a.

II**(Sastavni dio odluke o usvajanju plana javnih nabavki)**

Sastavni dio ove Odluke o usvajanju Plana javnih nabavki integrisanog Univerziteta u Sarajevu za 2022. godinu čini Plan javnih nabavki integrisanog Univerziteta u Sarajevu koji obuhvata nabavku roba, usluga i radova, te sadrži podatke o predmetu nabavke, oznake iz jedinstvenog rječnika javnih nabavki, procijenjenu vrijednost nabavki, vrstu postupka, okvirno vrijeme pokretanja postupka nabavki i zaključenja ugovora, poziciju u finansijskom planu, iznos na kontu i podatke o izvoru finansiranja.

III**(Pokretanje postupka javne nabavke)**

(1) Postupak javne nabavke predviđene planom nabavki pokreće se donošenjem odluke o pokretanju postupka u pisanom obliku, koja obavezno sadrži elemente utvrđene članom 18. stav (1) Zakona o javnim nabavkama.

JK

(2) Ovlašćuje se rektor Univerziteta u Sarajevu/rukovodilac organizacione jedinice, da za svaku stavku predviđenu u planu javnih nabavki Univerziteta u Sarajevu/organizacione jedinice donese odluku iz stava (1) ovog člana, te po uspješnom okončanju postupka nabavke donese odluku o izboru najpovoljnijeg ponuđača, zaključi ugovor o javnoj nabavci i potpisuje svu finansijsku dokumentaciju u cilju izvršenja ugovorenih obaveza ili da donese odluku o poništenju postupka odluku o pokretanju ponovnog postupka pod uslovima utvrđenim Zakonom o javnim nabavkama BiH.

(3) Ovlašćuje se rektor Univerziteta u Sarajevu/rukovodilac organizacione jedinice da u okviru budžeta Univerziteta/organizacione jedinice, a nakon provedenog postupka javne nabavke za koji su obezbijedena dodatna sredstva, a u slučaju ukazane potrebe, donose odluku kojim se odobrava povećanje iznosa sredstava za nabavke roba/usluga/radova.

IV

(Obaveza postupanja u skladu sa zakonom i podzakonskim aktima)

Obavezuju se rektor Univerziteta u Sarajevu/rukovodilac organizacione jedinice da postupak javne nabavke provodi u skladu sa Zakonom o javnim nabavkama i podzakonskim aktima koji su doneseni u skladu sa zakonom.

V

(Objavljivanje plana javnih nabavki)

Univerzitet u Sarajevu objavljuje svoj plan javnih nabavki za 2022. godinu na svojoj internetskoj stranici u roku koji je utvrđen Zakonom o javnim nabavkama.

VI

(Izmjena ili dopuna plana javnih nabavki)

(1) Plan javnih nabavki Univerziteta u Sarajevu se može tokom budžetske godine izmijeniti ili dopuniti u skladu sa obezbijedenim finansijskim sredstvima.

(2) Pod izmjenom plana javnih nabavki se podrazumijeva brisanje planiranog predmeta nabavke, izmjena planiranog predmeta nabavke, izmjena vrste postupka nabavke, procijenjene vrijednosti ili vremena pokretanja postupka nabavke.

(3) Pod dopunom plana javnih nabavki se podrazumijeva planiranje novog predmeta nabavke u slučaju nastanka potrebe za nabavkom roba, usluga ili radova koji se nisu mogli predvidjeti u vrijeme donošenja plana javnih nabavki.

(4) Posebnu odluku o izmjeni ili dopuni plana javnih nabavki za nabavke, čija pojedinačna procijenjena vrijednost ne prelazi iznos utvrđen Statutom za čije korištenje je ovlašten rektor Univerziteta u Sarajevu/rukovodilac organizacione jedinice, na prijedlog rukovodioca organizacione jedinice donosi rektor Univerziteta u Sarajevu.

(5) Posebnu odluku o izmjeni ili dopuni plana javnih nabavki za nabavke, čija pojedinačna procijenjena vrijednost prelazi iznos utvrđen Statutom za čije korištenje je ovlašten rektor

Univerziteta u Sarajevu/rukovodilac organizacione jedinice, na njihov prijedlog, donosi Upravni odbor Univerziteta u Sarajevu.

(6) Posebna odluka iz stava (4) i (5) ovog člana mora sadržati obrazloženje o neophodnosti i osnovanosti izmjene plana nabavki, odnosno dopune plana sa nabavkama koje se nisu mogle predvidjeti u vrijeme donošenja plana, pod uslovom da su za te namjene obezbijedena finansijska sredstva.

(7) Univerzitet u Sarajevu je obavezan svaku izmjenu ili dopunu plana javnih nabavki objaviti na svojoj internetskoj stranici, odmah po donošenju odluke o izmjeni ili dopuni plana javnih nabavki.

VII (Izvještavanje)

Univerzitet u Sarajevu/organizaciona jedinica je obavezan/obavezna dostaviti Upravnom odboru Univerziteta u Sarajevu izvještaj o izvršenju plana javnih nabavki za 2022. godinu, u koji trebaju biti uključene i sve izmjene i dopune plana javnih nabavki.

VIII (Završne odredbe)

(1) Ova Odluka stupa na snagu danom donošenja.

(2) Ova Odluka će biti objavljena na internetskoj stranici Univerziteta u Sarajevu/organizacione jedinice zajedno sa planom javnih nabavki.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor Univerziteta u Sarajevu
- Rukovodiocima organizacionih jedinica Univerziteta u Sarajevu
- ⑥ Predsjedniku i članovima Upravnog odbora Univerziteta u Sarajevu
- Jedinica za internu reviziju
- Izvršni direktor
- Generalni sekretar
- Služba za računovodstvo i finansije
- Služba za javne nabavke
- Služba za plan i analizu
- U dokumentaciju Upravnog odbora
- a/a

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>
[email: javnost@unsa.ba](mailto:javnost@unsa.ba)

AS

**-UPRAVNI ODBOR-**

Broj: 02-7-4/22

Sarajevo, 02. 03. 2022. godine

Na osnovu člana 129. Zakona o visokom obrazovanju („Službene novine Kantona Sarajevo“, broj: 33/17, 35/20, 40/20 i 39/21), člana 55. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, oslonom na Zahtjev direktorice Centra za istraživanje i razvoj Univerziteta u Sarajevu i prorektora za naučnoistraživački rad Univerziteta u Sarajevu za saglasnost za potpisivanje Ugovora o grantu broj: 0101-2163-1/22 od 24. 02. 2022. godine, Upravni odbor Univerziteta u Sarajevu, na 3. (trećoj) elektronskoj sjednici održanoj dana 02. 03. 2022. godine, donio je *s l j e d e ć u*

O D L U K U**I**

Daje se saglasnost rektoru Univerziteta u Sarajevu prof. dr. Rifatu Škrijelju za pristupanje Ugovora o grantu u okviru Programa za istraživanje i razvoj EU – Horizont Europe, za projekat pod nazivom *Podrška kreiranju politika istraživanja i inovacija na Zapadnom Balkanu – Policy Answers Support for R&I policy making in the Western Balkans - POLICY ANSWERS*, između Evropske komisije i ovlaštenog predstavnika institucije koja je koordinator projekta Centra za društvene inovacije – Center for Social Innovation (ZSI), R. Austrija, u kojem se Univerzitet u Sarajevu javlja kao projekt partner (korisnik).

II

Sredstva koja su Budžetom projekta planirana Univerzitetu u Sarajevu će se unijeti u Budžet/Finansijski plan Univerziteta u Sarajevu.

III

Ovlašćuje se rektor Univerziteta u Sarajevu za implementaciju Ugovora iz tačke I ove odluke, putem Centra za istraživanje i razvoj Univerziteta u Sarajevu, uz obavezu da izvjesti Upravni odbor Univerziteta u Sarajevu o implementaciji istog.

IV

Za realizaciju ove Odluke zadužuje se Centar za istraživanje i razvoj Univerziteta u Sarajevu i Služba za naučnoistraživački rad Univerziteta u Sarajevu.

V

Ova Odluka stupa na snagu danom donošenja.

Obrazloženje

Upravnom odboru Univerziteta u Sarajevu je od posredstvom Centra za istraživanje i razvoj i Službe za naučnoistraživački rad Univerziteta u Sarajevu, dostavljen zahtjev sa pratećim dokumentima, broj: 0101-2163-1/22 od 24. 02. 2022. godine, kojim se traži saglasnost za pristupanje Ugovoru o grantu u okviru Programa za istraživanje i razvoj EU – Horizont Europe,

za projekat pod nazivom *Podrška kreiranju politika istraživanja i inovacija na Zapadnom Balkanu – Policy Answers Support for R&I policy making in the Western Balkans - POLICY ANSWERS*.

Grant ugovor u okviru projekta POLICY ANSWERS, zaključuje se između Evropske komisije i ovlaštenog predstavnika institucije koja je koordinator projekta Centra za društvene inovacije – Center for Social Innovation (ZSI), R. Austrija, dok Univerzitet u Sarajevu, kao projekt partner (korisnik) potpisuje Formular za pristupanje ugovoru (Accession Form).

Projekt provodi konzorcij od 14 partnera/korisnika. Projekat će trajati četiri godine počevši od marta 2022. do februara 2026. godine. Univerzitet u Sarajevu će provoditi projekat putem Centra za istraživanje i razvoj Univerziteta u Sarajevu.

Ukupan budžet projekta iznosi 4.993.108,75 EUR, Univerzitetu u Sarajevu su budžetom projekta odobrena sredstva u iznosu od 157.812,50 EUR, koja će se unijeti u Budžet/Finansijski plan Univerziteta u Sarajevu.

U skladu sa navedenim, Upravni odbor je donio odluku kao u dispozitivu.

**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor UNSA
- ⑤ Predsjednik i članovi UO UNSA
- Centar za istraživanje i razvoj UNSA
- Služba za naučnoistraživački rad UNSA
- Interni revizor
- Generalni sekretar
- Služba za računovodstvo i finansije UNSA
- Služba za plan i analizu UNSA
- U dokumentaciju Upravnog odbora UNSA
- a/a

75